

Statewide Specialist Clinical Consultation Service

A service provided by the Queensland Transcultural Mental Health Centre

AUAUNAGA TUMAMĀ O SUESUEGA O LE SOIFUA MALOLOINA MO SOO SE ATUNUU (SAMOAN)

O le a le Auaunaga Tumamā o Suesuega ole Soifua Maloloina mo soo se Atunuu?

O lenei auaunaga mo le soifua maloloina o le mafafau e mo setete uma ua tuuina mai e le Ofisa Tutotonu o le Soifua maloloina o Mafafau mo soo se Atunuu i Kuiniselani (Qld Transcultural Mental Health Centre) mo tagata e o mai atunuu e le tautala i le gagana Peretania. O lenei auaunaga e fai fua e le totogia.

O ai e mafai ona faaogaina le Auaunaga Tumama o Suesuega ole Soifua Maloloina?

E mafai ona e faafesootai le ofisa tutotonu pe afai e i ai sou popolega i se mataupu e uiga i le soifua maloloina o le mafafau o oe, seisi o lou aiga poo sau uo.

E faapefea ona fesoasoani lenei auaunaga ia au?

E mafai e le Auaunaga Tumamā o Suesuega ole Soifua Maloloina mo soo se Atunuu ona tuuina mai faamatalaga ma fautuaga i mataupu tau le soifua maloloina o le mafafau o loo e popole ai, ma faasosoo atu oe i auaunaga e mafai ona fesoasoani mo oe. Afai e manaomia lava nisi fesoasoani atili, e mafai ona matou tuuina atu fesoasoani mo sina taimi puupuu ia oe i le iloilogia poo le feagai ma le auaunaga o le soifua maloloina atoa ai ma le lagolago a le tagata faigaluega mai le falemai o mafafau mai lau lava gagana, o tu ma aganuu a lau lava atunuu

E mafai e lenei tagata faigaluega mai le falemai o mafafau ona fesoasoani ia oe i le:

- Faamalamalama lea o mataupu tau lau aganuu i le auaunaga o le soifua maloloina o mafafau
- Fesoasoani lea ile tuuina atu o faamatalaga ile togafitiga ma le polokalame ile tausiga.
- Fono ma oe e talanoa ai mataupu o lou mafafau i lau lava gagana
- Faamalamalama atu ia oe mataupu tau i lou mafafau i lou aiga
- Tuuina atu o fesoasoani mo se taimi puupuu pei ole lagolago ma fautuaga e faatatau i faafitauli o mai o le mafafau.

O a ma nisi fesoasoani e mafai ona maua ma tuuina mai?

E i ai foi i le ofisa tutotonu ia faamatalaga tusia e uiga i mai o le mafafau ma isi faamatalaga e tau i le mai o le mafafau i le tele a o gagana eseese. E mafai foi ona e vili ile ofisa tutotonu pe a faapea e te manao e talanoa i soo se mataupu e uiga i lou mai e pei o auga, togafitiga, o vai e inu, ma faamatalaga e uiga i auaunaga pito lata ane ia oe mo le soifua maloloina o le mafafau.

E faailolilo ma le faailoaina faalauaitale ea e lenei auaunaga auiliiliga tau oe?

loe, o a matou tagata faigaluega mo le soifua maloloina o mafafau, e pei lava foi o isi tagata faigaluega polofesa, e taofia uma i lalo o tulafono matua faamalosiava, e sa ona faailoaina atu ma talanoa i seisi e uiga i mataupu tau lou soifua maloloina e aunoa ma sau faatagana tuusao mai.

O le a se mea o le a ou maua pe a tuuina mai nei auaunaga mai le Auaunaga Tumama o Suesuega ole Soifua Maloloina?

E te manatu ma iloa o le a togafitiga oe ma le faaaloalo lava, o lou mamalu e faatauaia ma e le faailoa faalauaitaleina oe, o lau ekalesia ma lau aganuu ma le nuu e te sau ai.

O le a fesiligia foi oe mo sau tusi tusia o lou maliega ae lei faafesootaia se tagata faigaluega mo le soifua maloloina o mafafau mai lou atunuu poo lau gagana foi.

E faapefea ona ou faafesootaia lenei auaunaga?

E mafai ona e vili i le (07) 3167-8333 pe afai o e i ai i Brisbane poo le 1800 188-189 pe afai o e i fafo atu o Brisbane, aso Gafua i le aso Faraiile 8.30am – 4.30pm ma fesili i ai e te fia talanoa ile tagata e faatulagaina (coordinator) auaunaga faatumama.

Ou te le tautala faa-Peretania, E faapefea ona ou viliina lenei auaunaga?

E mafai ona e vili le auaunaga o faamatalaupu ile 131450, ma fai i ai mo se faamatalaupu i lau gagana ma talosaga i ai ina ia tuu oe ile Qld Transcultural Mental Health Centre on (07) 3167-8333. O le a mafai ona outou talanoa ai toatolu i luga o le laina ile taimi e tasi.

Queensland Transcultural Mental Health Centre
519 Kessels Road, Macgregor Q 4109
PO Box 6623, Upper Mt Gravatt Q 4122

Telefoni (07) 3167-8333
Fakisi (07) 3167-8322
Telefoni le totogia: 1800 188 189
(nuu I fafo atu ole aai)
E-meli: tccs@health.qld.gov.au

Itula e tatala ai le Ofisa:
Aso Gafua – Aso Faaiale
8.30am - 5.00pm